



**KEMENTERIAN PENGANGKUTAN  
MALAYSIA**

---

**Sabtu, 2 Mei 2020  
Untuk Siaran Segera**

**KENYATAAN MEDIA  
MENTERI PENGANGKUTAN MALAYSIA**

**TAJUK: PERJANJIAN BERKAITAN PROJEK RTS DILANJUT  
SEHINGGA 31 JULAI 2020**

---

Banyak sektor ekonomi dan sosial terjejas berikutan krisis pandemik COVID-19, sama ada di Malaysia mahu pun negara-negara jiran, termasuk Singapura.

Memandangkan Perintah Kawalan Pergerakan (PKP) sedang dikuatkuasakan di Malaysia dan Langkah Pemutus Litar di Singapura, maka perbincangan dua hala mengenai Projek Sistem Transit Rapid (RTS) antara Johor Bahru dan Singapura turut terkesan.

Saya telah membincangkan status perjanjian dua hala ini secara terperinci dan berterusan dengan rakan sejawatan saya dari Singapura, Yang Berhormat Khaw Boon Wan. Kami telah mencapai kesepakatan bersama untuk melanjutkan perbincangan mengenai perjanjian dua hala projek RTS ini sehingga 31 Julai 2020 iaitu tiga bulan selepas tarikh yang sepatutnya dimuktamadkan sebelum ini, 30 April 2020.

Kedua-dua negara Malaysia dan Singapura yakin bahawa perbincangan yang mungkin akan dilakukan secara televideo sekiranya perlu, dapat diselesaikan dalam masa tiga bulan akan datang sehingga projek RTS ini dapat diteruskan.

**DATUK SERI IR. DR. WEE KA SIONG**  
**MENTERI PENGANGKUTAN MALAYSIA**  
**2 MEI 2020**

**- TAMAT -**